


Հաստատված է՝
Մեհրաբյանի անվան բժշկական
քոլեջի մանկավարժական խորհրդի



« 04 » 04 2022թ. նիստում

տնօրեն՝ **Լ.Գ.Մեհրաբյան**

ԿԱՐԳ

«Մեհրաբյանի անվան բժշկական քոլեջ» ՄՊԸ բժշկական քոլեջի քննությունների
բողոքարկման

1. Ընդհանուր դրույթներ

- 1.1. Բողոքարկման կարգը ուղղված է ուսանողի կողմից ցուցաբերած գիտելիքի գնահատման (գնահատականի) վերանայմանը:
- 1.2. Ուսանողը պետք է գիտակցի ստացած գիտելիքի գնահատման անհրաժեշտությունը, որն ուղղված է նրա կողմից ձեռք բերած ունակությունները բացահայտելուն:
- 1.3. Ուսանողի ունակությունների գնահատումը պետք է լինի առավելագույնս հստակ եւ թափանցիկ:
- 1.4. Դասավանդողը պարտավոր է ուսանողին տեղեկացնել եւ ծանոթացնել դասընթացին ուղղված գնահատման համակարգին և դրա բաղադրիչներին:
- 1.5. Դասավանդողը պարտավոր է օբյեկտիվ գնահատել ուսանողին՝ ըստ ուսանողի կողմից ցուցաբերած գիտելիքների, կարողությունների ու հմտությունների և ապահովել ուսանողին անհրաժեշտ տեղեկատվությամբ:
- 1.6. Գնահատման համակարգը պետք է ապահովի ուսանողի գիտելիքների օբյեկտիվ գնահատումը:
- 1.7. Ուսանողների գիտելիքների ստուգման և գնահատման համար քոլեջում սահմանվում են քննությունների գրավոր և բանավոր ձևեր: Ուսանողը պետք է հստակ տեղեկացված լինի գնահատմանը ուղղված իր իրավունքներին և պարտականություններին
 - տեղեկացված լինի գնահատման սկզբունքներին և ձևերին,
 - իմանա գնահատման բոլոր բաղադրիչները,
 - իմանա յուրաքանչյուր գործոնի ազդեցությունը ընդհանուր գնահատականի վրա:

2. Ուսանողի իրավունքները բողոքարկման ժամանակ

2.1. Ուսանողը իր գնահատականից բավարարված չլինելու դեպքում իրավունք ունի այն բողոքարկելու.

2.1.1. կարող է բողոքարկել անհատական և ինքնուրույն աշխատանքների, միջանկյալ և վերջնական քննությունների գնահատականը:

2.1.2. Ուսանողը բողոքարկման իրավունք ունի՝

- եթե գնահատումը ոչ օբյեկտիվ է,

- եթե դասավանդողի կողմից կատարվել է գնահատման անհատականություն,

- գնահատողը չունի բավարար փորձ և հմտություն ուսանողին գնահատելու համար:

3. Բողոքարկման ընթացակարգը

3.1. Բանավոր քննության դեպքում.

- բողոքարկման համար բողոքի մասին պետք է հայտնել քննասենյակից առանց դուրս գալու՝ տեղյակ պահելով դասախոսին,
- խնդրին տեղում լուծում չտրվելու դեպքում հայտնել, որ համաձայն չեք գնահատականի հետ և բողոքարկելու եք,
- քննասենյակից դուրս գալուց հետո բողոքարկման մասին հայտնել ուսանողական խորհրդի նախագահին:

3.2. Գրավոր քննության դեպքում.

- Արդյունքների հրապարակման օրվա ընթացքում ստուգող դասախոսին տեղեկացնել գնահատականի հետ անհամաձայնության մասին:
- Հարցի չկարգավորման դեպքում երկօրյա ժամկետում դիմել քոլեջի ուսումնական մասի վարիչին որի կողմից պետք է կազմվի հանձնաժողով, որի կազմում կընդգրկվեն նաև ուսանողական խորհրդի նախագահը և կքննարկվի դիմում բողոքը:

3.3. Բողոքարկման արդյունքում գնահատականը կարող է պահպանվել կամ բարձրանալ, բայց երբեք չի կարող իջնել:

3.4. Հանձնաժողովի կողմից նշանակված գնահատականը վերջնական է: Այն նշանակվում է առանձին ուղեգրի մեջ և կցվում ընդհանուր քննական տեղեկագրին՝ հավելյալ նշում կատարելով ստուգարքային գրքույկում:

3.5. Կազմվում է բողոքարկման հանձնաժողովի արձանագրություն:

4. Բողոքարկման չեղարկումը

4.1. Բողոքարկումը չեղյալ է համարվում եթե՝


- դիմումի մեջ շոշափված են «Մեհրաբյանի անվան բժշկական քոլեջ» ՍՊԸ ուսանողների գիտելիքների ստուգման, ստուգարքների եւ քննությունների անցկացման և գնահատման կանոնակարգի և գնահատման չափանիշների հետ կապված հարցեր:

- դիմումի մեջ ուսանողը պատճառաբանում է իր առողջական խնդիրները:

«Մեհրաբյանի անվան

բժշկական քոլեջ» ՍՊԸ բժշկական քոլեջի

ուսումնական մասի վարիչ՝



/Հ.Ա. Բաբայան /